

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

V. Causæ ergo fidei referebantur ex utraque Ecclesia ad Pontificem Romanum, ut deintegro examinarentur in synodo Romana. Relationes Orientis non mittebantur ad apostolicam sedem nisi post examen ...

urn:nbn:de:hbz:466:1-15617

& Imperij Lib. VII Cap. XII.

333

quarunt in appellationibus Episcoporum, quæ in veteri Ecclesia non recipiebantur.

Vide lib. I. cap. 10.

I V. Sed ut melius intelligamus quid eximium habeat jus illud relationis, obser-vandum est nomen illud ex jure civili sump-tum esse: ubi legimus Præfides provincialium relationes ad Principem misisse, quando dubia litis occasio id exigebat. cuius rei exempla extant in Codice Theodosiano & Iustinianeo. Quem relationem morem à Plinio Secundo, cùm ad ordinandam Bithyniam & Pontum à Trajano Principe missus esset, frequenter usurpatum fuisse legimus. In Ecclesia verò duo causarum genera erant in quibus necessarius erat usus relationum. Nimurum quoties agebatur de fidei contro-versæ capitibus, vel de quopiam dubiæ disciplinae capite nondum satis aperte definito in canonibus. Nam quoad materiam fidei, extat insignis locus apud Hieronymum in epistola Lxi. quæ data est ad Ioannem Episcopum Hierosolymorum; ex qua patet eam necessitatem inferioris ordinis Episcopis in-cubuisse, ut ab iis referendum esset ad Patriarchas de causis fidei. Scribens enim, ut dixi, ad Ioannem Episcopum Hierosolymitanum, cum eo graviter expostulat quòd obortis in Palæstina controversiis de erroribus Origenis, de iis retulisset ad Theophilum Episcopum Alexandrinum; cùm potius iuxta Nicæni canonis præscriptum referre debuisset ad Metropolitanum suum, Episcopum videlicet Cæsariensem, aut ad Episcopum Antiochiae, qui Orientis atque adeo Palæstinae Metropolitanus erat. *Antiochiam*, inquit, *qua est metropolis Orientis, referre debueras.*

V. Causæ ergo fidei ad Summum Pontificem referebantur post judicia synodorum provincialium, non solum ex Occidente, sed etiam ex Oriente, ut deintegro examinarentur in synodo Romana. Sed illud discrimen intercedebat, quòd relationes Orientis non mittebantur ad apostolicam sedem nisi postquam examinatae fuerant in synodo patriarchali; cùm è contra relationes Occidentis rectâ ex provinciis ad sedem Romanam commarentur. Sic post damnatam Pelagi & Celestij hæresim Concilium Carthaginense & Milevitani relationem ad Innocentium primum miserunt anno quadrigentesimo secundo, ut judicium ab ipsis latum sedis apostolicæ auctoritate firmaretur. Hæc sunt verba epistolæ Concilij Milevitani ad Innocentium: *Hoc itaque gestum, Domine frater, sancte caritati tue intimandam duximus, ut statutis nostræ mediocritatis etiam apostolicæ sedis adhiberetur auctoritas. De relationibus utriusque Concilij habita cogni-*

*tio est in Concilio Romano. Sic enim eorum synodicas epistolas vocat Innocentius in epistola xxi. ad Aurelium Episcopum Carthaginensem, misâ per Iulium Episcopum, quem ad eundem Aurelium redire iusfit cum apostolicæ sedis ad relationem duplicitis synodi judicatis. Idem quoque relationis vocabulum usurpat ipse Innocentius in epistola ad eundem Aurelium & Augustinum Hippo-ponensem Episcopum, quæ est xcvi. inter epistolas Augustini: *Vestræ relationibus respondentes rescripsimus. Itémque in response ad Concilium Milevitani, epistola xcii. inter epistolas ejusdem Augustini: Fiant enim necesse est cautores, cùm inventores malorum ad duplicitis relationem synodi, sententie nostræ statutis viderint ab ecclesiastica communione se-junctos.**

V I. Ius illud apostolicæ sedis, recipien-di nimurum relations synodorum, canonibus & vetustæ confuetudini tribuit idem Innocentius. Nam quoad canones, illos laudat in epistola quam diximus ad Concilium Milevitani, quam iis verbis conceptam esse ait Augustinus in epistola cvi. quæ sedis apostolicæ Sacerdotem decebat. Nam postquam synodus illam laudibus prosecutus est quòd eo officio defuncta esset erga sedem apostolicam, exemplo aliarum provincialium, addit Africanos ita agentes, canonum constituta servasse, & universo orbi profuisse quòd hæresim damnaverint. *Neque enim*, inquit Innocentius, *hoc vestram credo latere prudentiam, qui id etiam actione firma-tis, scientes quid per omnes provincias de apo-stolico fonte potentius responsa semper emanent; presertim quoties fidei ratio veniatur, arbitror omnes fratres & coepiscopos nostros nonnisi ad Petrum, id est, sui nominis & honoris auctorem, referre debere, velut nunc retulit dilectio vestra, quod per totum possit Ecclesiae omnibus in com-mune prodire. Intrâ: Gemini igitur bono cari-tas vestra fungetur. Nam & canonum poticun- gratia servatorum, & beneficio vestro totus orbis tuabitur.*

V II. Quoad antiquam verò traditionem, disciplinam ecclesiasticam, ac decreta patrum, laudantur ab eo isthac omnia ad asserendum Romanæ sedis privilegium in epistola ejus ad synodum Carthaginensem, quæ est xcii. inter epistolas Augustini. *Antique traditionis exempla servantes, ait idem Innocentius, & ecclesiastica memores discipli-na, nostra religionis vigorem non minis nunc in consulendo, quam ante cum pronuntiaretis, veneratione firmatis, qui ad nostrum referendum approbastis esse judicium, scientes quid aposto-licæ sedi debeatur; cùm omnes hoc loco positi, ipsam sequi desideremus Apostolum, à quo ipse*

T r ij